


提

息庵集

二



息庵先生遺稿卷之六目錄

擣椒錄

上一百四十三首

高陽留別內外諸從

韓肯世來見坡山仍袖五絕爲別走次以謝

重謝肯世

松都

謁崧陽書院

上大興山城南門

看朴淵

道淵自金

川還京書扇頭

與之

次副使示書狀

韻志感

葱秀山次副使韻

題所已鎮館

觀蒜山築堤用副使韻

次副使黃岡途中韻

箕城書示書狀求和

西京感古

次副使韻奉贈西伯

懷羨陰

安興感懷八首

過新安有感二首

有感

次李公彝仲韻

復疊副使周字韻

龍灣次副使韻

留龍灣會武士射候

遙寄李季心學士

鳴江別灣尹

九連城次書狀韻

龍灣雜詠十絕

抵鳳城聊占一絕謝山靈

次書狀韻一首

次副使韻

次副使途中卽事韻

復疊前韻二首

通遠堡夜中不寐

又疊前韻 三

疊驕字韻

次書狀韻

次書狀 如

憇水站

途中記聞 六首

復疊驕字韻 一首

四疊前韻

復疊前韻記感

次副使刪字韻 四首

望駐蹕山有感

遼陽

次副使遼陽志感韻

瀋陽

記夢

更疊封字韻

次副使瀋陽韻

復次

夜中不寐 復次 違字韻

送灣尹軍官先歸

次副使復疊前韻

二首

次副使韻

恠殺

二首

宿老邊城

巨流河

遼野

復疊前韻

四首

望醫無閭山

羊腸河

醫無閭復疊前韻

甲軍

間陽途中望十三山

巨魚

廣寧

大凌河吊古

途中遇大風

杏山

塔山次副使韻

二首

寧遠述感

過祖大樂輝樓

次副使韻

又疊差字韻

次書狀望

覺

島有感韻

又疊

次副使曉行韻

次副使差字韻

山海關次副使韻

四

贈山海關傅教授

山海關犀帶豹尾

並為偷兒所竊漫成二絕

留山海關

發山海關

過榆關店

次副使途中韻

望夫石

途中雜詠

八首

沙河驛

榛子店壁上

次

女子蘭韻

復疊前韻和副使

次副使韻



思齋先生遺稿卷六

玉田贈王公澤

次副使韻

薊州觀戲子口占

次副使韻

次副使薊門韻

次副使漁陽韻

滹沱河口占

途中記所見

烟郊舖遇大風

佟翰林

通州

二首

東嶽廟

次副使韻

二首

次副使韻

二首

途中記所見

一首

題畫

四首

詠荔茔

詠蒲桃

除夕

息庵先生遺稿卷之六

擣椒錄上

高陽留別內外諸從用 先祖文貞公丙戌燕

行留示孫兒韻

弱國金縉役長征車馬徒明歲高陽約逢迎雙玉壺
過坡州途中見雙石佛有感

胡騎如風雨三朝到碧蹄堪嗟雙丈佛不及一丸泥
韓掌令肯世來見坡山客館仍袖五絕叙懷爲
別走次以謝

雋永詞壇當擘麟吳興腳跡更精神 聖朝闕失知

何有新得臺端獻納人

又

丈夫行止本恢恢擬踏遼燕幾處臺望海平臨齊海
濶角山低看泰山嵬

又

西來百里義殊高况復新詩勝故袍廊廟雍容真不
分山河跋履莫云勞

又

憶魯冠蓋接中華海內車書正一家文幣卽今并宿
昔朔雲邊雪只堪嗟

又

脉脉離懷語未宣
停車道側只情憐
君歸爲報阿兄
道明歲春郊待我旋

末篇極屬中兄戴明

重謝肯世

我爲萬里行君來
百里別別後兩相望
燕山一片月

松都

冬煖猶能動朔風
長郊漠漠捲寒蓬
沙川一望天磨色
故國河山夕照中

謁崧陽書院卽圃隱俎豆之所
項年松都儒生
以清陰金文正公暨我
先祖文貞公同享是

祠

五百年中一圃翁文山壯節伯夷風三峰胙土紛封
削爭及崧陽數畝宮

上大興山城南門

廿里筍輿上絕四層隍高與白雲俱群山地底皆平
貼下展峰紋百幅圖

朴淵時久旱瀑流甚少或云自築城以來山中
人衆萃集汲用頗繁多斫樹木舊日泉礪亦漸
加乾矣

我記廬山面貌真瀑流從古掛天紳奔湍濺沫寧嫌

少洗盡長安幾斛塵

道淵自金川途中還京書扇頭與之

文成客座留私_和諸葛竄廬有戒辭今日路歧無別語好須歸下董生帷

續得朝報 聖上以冬暖有雷無雪 下旨自

責招延耆碩廣求直言小臣職忝輔相今雖奉使出外不勝憂畏之忱茲用副使書示書狀韻志感

如何風擊繼霜摧冬暖潛陽又失開每懼三精恒塞霧頻聞日里有驚雷駸駸短景方南至杳杳長途且

北來囑 命小臣憂倍切當朝誰是濟時才

葱秀山次副使柳諫議韻

古館淒風夕滿林暖晴冬日陡寒陰蕭疎冷葉辭柯
響滴瀝出泉扣玉吟征馬未容頻息足觀魚聊旦一
清心紫陽健筆雲岡語緬憶皇華感慨深

題所已鎮館

左端興

宿昔勞經畫今朝過戍墻諸屯萬戶置高壘一夫當
地理關西錯山根嶺北長還須新邑宰毋學彼南陽
觀蒜山築堤處用副使柳公韻

治水非隣壑修堤合種林龍驚移窟宅氓喜雜謠吟

濟筭須群力成功在一心爲言操鋪者蟻穴戒宜深

次副使黃岡途中韻

未賦歸來賦遠遊行裝吾媿異觀周流年紫極今將
老是歲黃岡又北州遙浦帶回寧繫悶遠山眉蹙却
生愁嚴城欲閉棲鴉定永夜沉吟思獨悠

箕城書示書狀示和

栽松十里接官堤艤待蘭橈落日低冠蓋卽今通薊
北繁華從古說關西錦筵釵髻雙一出玉帳鞞刀百
隊齊更有雕欄江上望定應霞爲待君題

抄選之事
故第六云

時有禁衛
別隊十哨

西京感古

今古無端惱殺儂
舊都樓榭溯餘風
牡丹峰擢思遼
伯浮碧江空憶李公
雲物尚留遊賞地
山河不廢戰
爭功煩君且向含
毬望井畫依然亦
沒蓬

次副使韻奉贈關西李方伯

世華

西來快意共巡遊
專制真推識慮周
舊擁千夫臨薩
水新兼兩察領箕
州將藏胸甲資時
策士引臂弧破
客愁間井况聞氓
樂業雪山今重得
君留

懷羨陰

小築新成壓上江
高秋日日倚軒窗
今來塞外三千

里坐想湖中白鳥雙

安興感懷八首連環體

二十年間再度來依然關雋舊樓臺
書牕袖裏芙蓉顰願決頑雲直北開

又

願決頑雲直北開長風挾我上巖
嵬峒峒香岳當天起歷歷清川抱郭廻

又

歷歷清川抱郭廻海門歸路接登萊
如何儼接皇華地無復仙槎奉詔來

又

無復仙槎奉詔來塞門頻見喝書催金繒此日和戎
策弱國寒妻恨豈裁

又

弱國寒妻恨豈裁征車我亦指燕臺桑蓬宿志今何
有第看山河表裏迴

又

第看山河表裏迴慈城百仞白雲隈城名曰母民焉
往廟號稱忠世所哀

又

廟號冊忠世所哀宜春殉烈更奇哉當時慘淡經營
地疑有鞭風與駕雷

又

疑有鞭風與駕雷可無蘭藉又椒杯重尋徃迹偏多
感二十年間再度來

過新安有感贈柳絮

憶昨尋春日花紅柳未絲今來花落恨唯有柳偏知
又

嫩綠初楊柳風流遽如許當時花灼爍零落今何處
有感

清池曾映赤欄西百種嬌花出水齊
花落今來時物改數行衰柳向人低

次太學士李公彛仲

敏叙韻

自笑平生寡短長從來心計錯脩廊
亦知遠使慚樞弼安得橫行效舞陽
多病嫩臙兼近臘易凋疎鬢轉添霜
祗應幹事東還日休祿期追漢代良

復疊副使周字韻

春闈結髮舊同遊榮落中間歲幾周
今日載書公副价當年推轂國西州
關心行役常憐病到眼篇章却散愁
治理更看遺愛在芳名處處勒氓留

龍灣次副使韻

冠蓋紛紛此往還
飲冰吾且涉冰灣
丘家舊誓黃龍府
軒相遺蹤白馬山
未怕夜中誇劍槊
只愁春後滯刀環
何當歸去湖亭上
坐看波鷗滅沒閒

留龍灣日會武士射幟

義順門前布鵠開
鼓聲終日響晴雷
從君願借連珠手
射取陰山白額來

得京報信使之行已還
朝矣驚喜之至遂占

一絕遙寄李季心學士

聞道樓船使蓬萊
採藥還吾非築城
老獨白向燕山

鴨江離別灣尹

絕塞登臨地攜君雙玉琬乾坤三大水夷夏一高亭
海接鯨濤白山連鶻師青今朝過此去吾欲醉無醒
露宿九連城次書狀韻

三江十里一水通藉草餐風馬轉東依依却記前宵
事燒燭閒房錦繡紅

龍灣雜詠十絕和副使

廿日驅馳出漢關箭門嶺上遙望灣黃沙白草麟州
戍落日寒雲馬耳山

又

亭臺自古登臨地詞客如今吟賞多青絲赤羽君平
語宇宙山河岳老歌

又

延州木高麗地年代茫茫古跡存東國亦曾收釣
築至今人說乙巳村

又

先王遠狩龍蛇歲上國專征熊虎兵欲識吾人恩肉
骨請將深淺較東瀛

又

丁年獵火照天紅鎖鑰西門付老聾舉朝未有申包

節通判先成卯發忠

又

林家小監生奸詐曾向龍灣擁節旄棄命一朝逃海
去邦人錯道是雄豪

又

九龍淵中九條龍千歲深藏老鱗甲定應抱子冰底
臥預教明春行雨法

又

壯士初調宛馬騎千金不惜作鞍韉連鞍背上模糊
血知是胡山射鹿歸

又

灣州女子十七八
窄袖襦褙兼繡吧
今朝鴨綠試新
冰照爛紅粧跨白馬

又

龍灣大賈計然術
終歲金綺爛作窟
最是江州一條
蓀換得蠙珠大如栗

渡江三下得抵鳳城舊
聞此地虎豹交跡今行
絕無林間咆吼之物
聊占一絕以謝山靈

朝行絕漠人烟斷
暮宿穹林豺虎多
今日山靈勤護
我塵清百里見撝呵

次書狀韻

此地如何度此晨強將歡笑望情真別離故國還多
日時節殊方又小春

又

侏儻隔壁閉昏晨况復賈囂認未真一事尚爲郵卒
幸仲冬天氣煖如春

左傳云賈而欲贏而惡囂乎

次副使韻

天時人事奈相違霜雪今冬又覺稀綠礪薄漸寒改
淺著林輕霧晚猶霏未論此役來殊服長憶吾君
尚早衣惆悵鐘鳴行不息白頭羞道宦情微

次副使途中卽事韻

古有輿梁政今無十月橋店寒還阻埃車駭卽衝輶
凡莫求杯水那能販東樵計量仍自笑無恠爾名驕
復疊前韻

每記清詩意不違當朝標格似君稀在懷珠玉堪成
飄落紙煙雲贖作罪此日萍蓬殊遠跡他時薜荔有
初衣沉吟欲寫心情語的的燈到曉微

又

卜築湖亭在漢陰第一橋近山紛入席緩步亦當輶
蓮勺陂堪釣王官谷可樵投閒幹事日吾意貴無驕

通遠堡夜中不寐戲成俚語

公然不寐到三更百疾交侵百慮縈真箇賤人還勝
貴榻旁多少鼻雷聲

又疊前韻

長程短店未教違絕峽人煙百里稀每遣朔風爭樹
籟旋催寒景隱林霏前宵鳴水依氍幕來日遼陽問
羽衣如此趁期終歲去幾時令節到三微

又

郊扉卜築計真違舊伴漁樵恐亦稀湖上烟霞曾媚
嫵天涯霜雪卽霽霏驅來燕駟無停轄著得蘇貂有

弊衣歸日歸休吾熟慮向時筋力覺全殫

又疊驕字韻

陟峻宜循級架空亦待橋方行萬里遠正賴一車輶
曉發催晨秣昏投伴夕樵互鄉難責義徒旅莫相驕

又

憶昨辭朝日群公出濟橋別筵羅酒爵官路集軒
輶咏駟停行李唱驪到返樵殷勤贈策意慰我聘天
驕

次書狀韻

昔年宗會記辛庚南國聯翩有弟兄翹陸已憐騰驥

足搏風還喜聞鵬程詩書我忝青氈業詞藻君傳白雪聲
命此行同萬里時將羈抱展來平

次書狀韻

嘉牒曾知置後車計存收族未宜虛滔滔江漢分流
遠鬱鬱枝柯體幹餘定有輝光徵琬琰絕勝文藻振
瓊琚望君此日誠非淺正憶張公九世間

甜水站

客子侵晨發迢迢征路難方冬行絕塞前夜宿連山
覆軸從三折回崖自百盤胡人重操切愁憤不容刪

途中記聞

尚家寶樹名珊瑚二尺高枝六六株坐中莫恠生華
月枝上分明綴夜珠

又

陰山漆鼠大如駒八尺衾七二寸俱最是單于歸獵
夜擁來消雪等紅爐

又

宣和天子帝中華猶逐師師入狹斜自是單于輕禮
法不妨今夜宿姬家

又

聞道蚌池元利西珠光夜夜照紅霓君王此去擬親

採不乏工 娥作寶笄

又

黃台遺種 已驕匈奴 似建州初發 江歲萬黃金 猶未厭 又來山外 犯東蒙

又

吳王死後 家兵罷盡 尚東屯 作店民 可憐 關外三士 不及島中五百人

復疊驕字韻

客路同巴峽 歸心在洛橋 羸驂愁叱馭 倦僕快人輶 截壑看橫約 緣雲認細樵 慣知青石險 胡馬亦難驕

又

遙野千年塔漁陽百尺橋此行常結轍幾日定歸輶
苦厭理春長愁桂作樵久聞柔亦勝嗟爾莫驕驕

四疊前韻

旅病心情事事違他鄉物色聞曾稀簾林浙瀝終風
暄隔岫冥濛似雨霏當案沙堆恒損食透簾寒急轉
添衣春糧啜藥元殊道參朮隨身奈力微

違離京國已浹月矣不勝戀闕之懷復疊前
韻記感

憶昨趨班小弼違許墜金殿寵恩稀雙開扇影依

依閃直上爐煙細細霏掌閣珥環垂翠袖分庭鳴玉
引朱衣今來絕國長司首夜夜清光望 紫微

昨荷副价暨行臺二公俱以刪字二篇見示咳
喘方苦未即和復今 強疾吟成四首奉呈求
教

首路燕雲日無如鳳翽難吏言籠失卜人記虎窺山
風颭箱書燭塵霾蓐食盤羈憂真萬斛河同幾時刪
又

數日燕行苦無如東站難纔經入渡水尚阻萬重山
馬足凌兢度羊腸屈折盤排愁詩句在燕拙不須刪

天

直度連城易長征遼野難停車問外事駐蹕石前山
鶴認千年化鵬看百里盤哦詩稍足料雅興未全刪

又

玄冬行且遠白雪和彌難隴首思吳守江南憶子山
遺音陳廟瑟河響落珠盤騷律推高手懸知不敢刪
望駐蹕山有感

慙愧長城詰老庠迷樓結綺儘同科秦主若更逢隋
主問著東征且奈何

遼陽

舊識遼東卽我東中間爲漢屬元封城邊太子魯奔
水塞外天王有駐峰幾憤公孫資躍馬還志志士悔
盧龍唯看白塔衝霄立化鶴無因更問蹤

次副使遼陽志感韻

客令感是也非當時誰見鶴來歸千年一迄今無
益莫向胡塵染綈衣

瀋陽

遼瀋中原失于今歲六旬漸營新窟穴猶壯舊城闌
塞日翻成侵邊風易作塵熊楊死大枉哀痛尚遺哀

是日白虹貫日然楊
指熊廷弼楊鎬也

記夢

縹緲林亭倚晚霞
畫中光景夢中誇
恠來作客龍荒夜
一霎江山餉已奢

更疊遼陽封字韻

傷心此日訪遼東
前代疏_下視內封萊碣
坐通西接海華戎
分隔北來峰
千年羽化猶傳鶴
亂世名完不媿龍
欲向遺民問往事
荒墟逝水杳無蹤

次副使瀋陽韻

絕界遼陽更北過
黃龍自古戰爭多
舊時奚部誇千帳
今_下夷王笑六騾
校禮岱宗知白嶽
抄鞭金祖認

渾河千秋痛飲成空誓淚落羌兒幾曲歌

復次

呼蠻呼獫各聽過烏鼠鼯果孰多嫁漢娶胡都是
虜似驢非馬亦成騾中原盡入完顏界武力爭推曳
落河最是中宵堪墮淚奚兒齊唱鼓隳歌

患寒數日咳喘甚苦夜中不寐復次違字韻

客土殊風與我違病中心緒得安稀唯餘短髮添霜
皓轉覺昏眸著霧霏銷惡麝輕還隔幔辟寒犀乏但
兼衣深更不寐恹惶甚伴得孤燈午夜微

臘月初四日灣尹軍官林時曄自瀋陽告歸修

狀 啓且付家書問狀 啓到京之期當在十

六七間云

故國人歸且付書關山新月正如梳想應書到家鄉
日皓色微虧似月初

次副使復疊前韻

離灣已千里抵瀋恰周旬白塔看新堞黃龍訪古閨
經營大盜積滾就萬胡塵披髮伊川日爲戎魏此良
又

英三豪歷歷眼中過上國興亡感更多就使臺城來白
馬不將棧路試青驪刺工雙虎開山海驅得千馳暗

洛河從古冠裳文物地盡供哀怨寄樵歌

次副使韻

二流八渡飽辛艱塞傳來穿萬馬關金復斂州俱被
海東蒙千部盡衣傷心羶羯淪諸夏極目烟塵到
百蠻預想玉河經月苦幽愁何異繫南冠

忙寂

恠殺當門整佛冠低眸上手鼻瞻端若果冥心求證
道何須街路要人看

又

家家設榻供金像處處開龕拜夕爐怕殺劉翁五十

子爭誇一半誦南無

狼子山有劉文夏者其父劉翁

訖吾兄弟分處果以者甚多而一生誦佛豈不盛哉

宿老邊城

邊城萬里地此夜駐征旄
行役催人老鄉山費夢勞
風來朔野曠雪罷曉雲高
郵檣多寒凍今憂正爾曹
巨流河復疊前韻

此地經旬任駐過故疆
新俗亦聞多商胡或畜彌山
馬野店人藏負礮騾東堡
舊民猶識麗北方流水盡
名河陸沉儘有傷心處羌
舞奚知救勒歌

遼野

一句驅傳出遼關大野茫茫築路盤世界每疑藏粒
小塵寰乃有敵瀛寬天形渾蓋憑誰卜日御升沉獨
我看若對莊生論此理羈愁亦足破辛酸

復疊前韻次副使

廣漠真無似此門醫問東畔接高盤乾坤依附端倪
會日月回旋境落寬種後青柯栽得蔭怒餘鵲翼展
來看拘儒管觀形容處自婉望洋語轉酸

又

驅車軋軋莽蒼間何異驢巡只舊盤幾日高平行得
盡直登山海望來寬薊門烟樹依微見尚父徒封隱

約看物理回環元不爽佇廻甘味謝前酸

又

生平慕悅貢王間况復茲行共趙盤府吏縱歌吾甚
倦邊民損三子爲寬交情且莫形骸累志業還須鬢
髮看也日政歸宜自助毋將世味壞鹹酸

又

牛川家在水雲間是處真堪隱者盤千樹梨花巖洞
靜一輪秋月渡迷寬盛年仕宦時能得晚節江湖世
孰看正欲與公論此著非緣俗態轉辛酸

望醫無閭山

魚尾卷六
指點醫閭縹緲間青蒼一抹露天端縱然約略非全
面佳氣先從眉黛看

羊腸河

曾識羊腸有峻坡如何此名又此河于今細揣人間
事直道全稀曲學多

醫無閭復疊前韻

曾無培塿著遼關忽有嶺岼百里盤分隔華戎形固
壯平臨溟野界全寬河山不逐興亡變堞壘徒憑涕
淚看仍憶靈均騷賦語遠遊歌罷倍心酸

甲軍

帶羽高頭駿八稱是甲軍在途偏烹馬入室動生輦
偷有難醫癖塵成不掃氛行行長作伴辛苦莫須云
間陽途中望十三山

行盡醫間刮眼看道傍還有十二山詞人彩筆長留
架少女明粧尚舊髮綿絡楚疑添四岫飛來巫峽剩
餘巒還荒絕漠終非地合置天台鴈宕間

巨魚

聞道官輪北海魚強名吾亦見莊書專車有類防風
骨吞船魯涉海日虛未怕秦弧嘗浪射誰言漢網近
人疎懸知借鼎函牛處厭飫仍看遍九閭

廣寧

欲向醫問訪故蹤山河慘愴夕陽中邊功百戰推寧

遠絕學千秋仰賀翁寰宇即今殊內服窮荒何處覓

儒風傷心最恨前朝事強敵當門尸老熊萬曆初廣寧總兵李

成標以戰於東征者也賀郎中欽聞白沙陳

如括印布於東征者也賀郎中欽聞白沙陳

獻直之風而於東征者也賀郎中欽聞白沙陳

于此學者稱爲賢無問外生有文集三冊天啓

初巡撫王化貞守廣寧間虜兵至不戰自潰朝

廷並建經略熊廷弼論死天下惜之

大凌河弔古仍疊魚字韻

人方刀俎我方魚日日凌河奏急書萬竈銷沉同亂

磧千隍剗削作荒墟呂文未救恩終失武先誅計

亦疎不識盧公何處死定應英爽鎮醫閭

明初既生廣寧之後

凌河數百里之間有三十年百戰之場祖大壽大樂兄弟以世世遂將初從孫閣部承宗收復

凌河後守錦州清人掘塹三重為長圍三年猶不降糧盡不繼大樂先降入城勸之乃降與宋

朝呂又煥文德兄弟守襄陽事絕類袁總督煥初以邵武令上書言兵遂見任東事已庚間

竟以虜迫皇都剛死巡撫盧象昇者亦以治流

事略見於明季遺聞蓋松古三處守將之一

也然而塔山北義最烈計策九奇意其必盧公

途中遇大風

萍穢雲陰綴曉空疎焚無路下宵中似將欲下天山

雪忽復先驅瀚海風驟向崩城疑搏石轉來平野佯

飄蓬帽簷側盡冠纓斷試拂衣塵一寸蒙

杏山

宇宙千年變山河百戰迷信車愁獨立落日杏山西

塔山次副使韻

國史今難見將軍姓字埋爲言當日烈偏覺塞天羶
世已淪羶酪人方足馘豺英名誰敢泯懸揭定無涯
又

誓與城同破何須戰骨埋雷車兼電熾火烈更風霾
秘略疑神鬼精忠動虎豺人亡千古恨遼海並無涯
寧遠述感二十四韻排律

往屬昇平日三邊荷帝靈山河大布置關輔壯基局
凌水連松杏間岑接錦寧旂常懸日月礎斧肅風霆
擁節曾徵戚推鋒亦擢纒猶堪綬四服尚冀鞏千齡
別部隣山白爭端啓海青中朝嗟不振末運又斯丁
秦祲方流毒胡塵遂一腥漸看隳堞壘旋復納門庭
士媿軍容幕人憐督府圖哥舒生足耻盧奕死彌馨
晉水城三版驪陵火一星三精歸震蕩九宇盡迷冥
羌曲通蠻舞榆林到桂溟已循陵律髮爭易介鱗形
大鹵千馳暗平沙萬燐熒遺隍堆破甓空塹填枯萍
慷慨心如割嗚呼涕自零亂亡推往迹用舍失明廷

卷之六

二十一

實痛溫楊蔽虛調洛蜀停輸金藏閣貨琢玉建樓銘
罪將須常典佞臣合重刑題詩續麟鉞擬與髑髏聆

過祖大樂牌樓

巧不及高亦減數丈矣

瑤閣銘勲甲第東層標金碧尚玲瓏勒珉解道雕冰
易架玉真同刻楠工當日癡心憂石爛祗今累罪認
天通提兵不讀嫖姚傳痛爾還虧四世功

次副使韻

雕珉錯壁尚差差神不知應役老倖盡謝榱桷常結
構全虧山岳與撐持沉碑正待滄桑際架石還期爛
泐時可恨世臣今負國誰將孟飯餉敖饑

次書狀望覺華島有感之什島距寧遠不滿十
里 先祖文貞公丙子朝 天時阻敵兵留此
踰 朔云

吾祖朝 天歲下今半百云世真成異代書亦失同
文國弱方愁救孫孱敢道勤唯君借此役萬里慰離
群

又疊差字韻

誰能適我意參差百巧徒然想妙僊筭飯當昏翻斗
甬汲水終夜響軍持燕山正憶東園日浪泊還思下
澤時竣事行將穿峽去滿畦芝朮足療饑

東園用類
濱燕山詩

語軍持梵
云汲水器

又疊

祖家雙閣對參差
誇伐何須費巧倖
健將當年無若此
殘兵幾歲與胡持
百途力瘁嬰城際
九仞功隳倍國時
最恨千金歸日闕
軍中半救泣寒饑

早發向中後所炬絕失路次副使曉行韻

燎殘月落斷村雉
半夜多歧却轉迷
峻級轎欹知側吸
薄冰蹄響認前溪
但循斗極方看北
欲候朝曦又向西
未曉襄城魯類此
戒心聊復托詩題

副使又疊差字韻見示韻強詞敏殊可珎也更

之多乎此其可憂者三也三憂之外又有甚苟且者
三臣曾伏見 梓宮奉安之儀必由南楹用輿軸進
進及至殿屋之前卽遷迤東向開左扉而入蓋必
如此而後始得爲南首之制故也今則必須自船尾
住輦直奉 梓宮由殿屋後門而入焉此恐不免於
不由正路之譏其甚苟且者一也臣伏聞沿江兩處
昨已有剗造 幄殿之命矣設殿之所當擇水潦不
沒之地此其去水遠近固未可以預度而捨舟登陸
便是專道之行則必須廡器如儀方可爲備物盡文
今乃於舟行失次之餘又復以升降脫載爲憂仍撤

衆儀且停舟次但使 鸞車單詣帳幄則此恐不免
於不敬爲瘠之譏其甚苟且者二也臣又伏念前者
大喪之時凡太常資贍之掌朝晝饋奠者皆必先詣
前路停奉之所厨人治膳宰夫治俎以待夫 駕至
而已今也船行則行留未定淹速難料昕夕饗獻雖
當於宿所爲之至於晝次殷奠唯將預治銅豆催篙
趁 駕而已沿岸一路衆船魚貫在首者不能顧尾
居後則莫得撓前非如通衢快馬可以立驟疾徐一
如人意則已不無窘急失時之慮矣其他煎炸油果
擣春粉餌雖似薄物細事而亦非山陬水涯所造次

軸此中應有五千文

入山海關從者不戒犀帶豹裘並爲偷兒所竊

漫成二絕

擾擾秦關路紛紜車馬塵貌同心自別誰是偷狐人

又

吟詩戒太瘦行役貴加餐縱令腰圍減無從驗帶寬

留山海關

萬里巨長堞三重起疊壙輪蹄晨合杳歌吹晝干咽
詎有真人氣偏雄塞國容關譏循故事滯客正愁儂

發山海關疊蕭子韻

近臘深冬夜苦遙曉傳餘漏尚南譙紅裝計日將踰
薊歸夢連宵却渡遼偷手捲包頻告警倦蹄當秣甦
生驕平生刺刺深知戒鬢髮飄騷已化蕭

過榆關店

堙塹紆回萬里尋秦城盡處卽榆林齊民已困猶殫
力嬴帝雖愚亦苦心當日幽都曾漢塞此時羌笛總
蕪音停車悵望沉吟地釀雪寒雲故作陰

次副使途中口占韻

撫寧古名邑風烟今半凋棗林收晚實楊柳損長條
近岫名徵兔遙空勢沒鵬湖翁有舊詠三復慰無聊

望夫石

一片望夫石行人指點稱貞心
曾莫轉芳質遽先凝
塞雨常沾頰邊雲爲掠髻
山頭屹立處千古恨難勝
途中雜詠

武昌山下望夫石樂府人稱王建詩
今來我訪長城外
千古流傳亦可疑

右望夫石

又

曾聞種棗多芳樹亦道仙碁有古臺
定應樵子嫌柯爛却並交梨偷得來

右撫寧

又

祗殘萬柳庄邊柳尚欲臨溪弄嫩絲今日偶然晴且
暖風烟絕似早春時

右萬柳庄

又

十哲蓋言從蔡者三仁亦指近殷親細思尼父求仁
語當日成仁更二人

右夷齊

又

城邊貫石初疑虎塞上擒胡卽射鵬當日不封君莫
恨後人誰數霍嫖姚

右李廣

又

若調飛將爲邊守更把蘆峰作漢關縱令驕虜能深

入誰遣沙場匹馬還

不蘆峯

又

貫道雄文透竅靈儀形從古仰亭亭
吾行獲近公遺采擢筆群峰眼倍青

右昌黎

又

孤竹城邊一水迴空明不受點塵埃
問渠那得清如許爲近夷齊古廟來

右灤河

沙河驛

燕關無處不塵沙況復沙河較更多
匝轂沉沉成霧障飛窗浙浙透烟紗
風回最怯迷魂陣水濁堪傷獨

卷之六

二十一

渡歌喫苦此行不夫少晨昏幾合和餐加

榛子店主人壁上有江右女子李文蘭手書一

絕覽之悽然為步其韻

綽約雲鬟罷舊粧胡笳幾拍淚盈裳誰能更有曹公

力迎取文姬入洛陽

原韻

椎髻空憐昔日粧征裙換盡越羅裳金釵生瓦

知何處痛殺春風上藩陽其下又羅裳小誰能更有曹公

也夫一夜數奴被虜今為王章京所買成午平

月片一日酒淚拂壁書此唯望天下存心人

見此憐而見拯下又書奴年二十有一缺三

字秀才女也母李氏兄名缺數字國府學秀

才下缺亦不可記末書云季文蘭書副使柳
公招主媼問之媼俱言五六年前滿陽王童
京用白金七十買此女過此悲楚點慘之中
姿態尚嬌艷動人掃壁垂淚書此右手稍倦
則以左手執筆云

復疊前韻和副使

已改尖靴女直粧誰將蓮襪掩羅裳
唯應夜月鳴環珮魂夢依依到吉陽

吉陽即古袁州今江右地也

次副使韻

遼路仍連薊路縈吾行穿過幾名城
雲南纔見馳南牧塞北空傳有北平
蠻子方音猶漢字麗庄水穉尚
東耕傷心虜俗移人甚恠我衣冠眼
見生

清漢雜處混淆難別

而清人指漢人為蠻子漢人北清人為蠻子
云遼薊數千里皆旱田獨高麗庄南一極下
水耕之法為農庄之得名以此云

玉田贈王豐坦公濯

王郎人也後詩多書幅作

來不撥中間六七年南遊不歸
今訪之則才以玉月歸家矣

有客三韓奉節過尋君歲暮到烟蘿
鯉庭已飽芳名久燕市猶憐俠氣多
舊迹不禁今涕淚素心寧隔此
山河清尊半夜霏瓊屑更勝慶卿和
筑歌

次副使韻

戍削官驂減舊肥脩程還喜近幽畿
譯持生舌今須熟賈倩他金且莫揮
遼俗易汚人盡變堯封欲問世

都非蒼寄不是全忘漢早晚重懷有轉機

到薊州觀戲子口占

男子鬚眉偏氣像女娘塗抹亦嫵媚眼看人世皆兒戲任汝排場一哄然

次副使韻

我愛當年方叔語盛衰東洛占名園卽今蠻塾還全廢自昔臺隍只半存藍玉在田那足採豐城藏鐔又奚論薊門獨有迷烟樹尚帶風埃盡日昏

次副使薊門韻

薊門千樹晚霏霏冷靄淒烟極目飛空裏似嵐常發

隼望中如薺轉依微郭圖平遠真堪比海市虛無倘
與歸迴日登高春更好且攀僧閣拂塵衣

是日氣頗不平不得

歷訪獨樂寺
故示句及之

次副使漁陽韻

秦政肆然氣勢張盡亡人國欲無亡漠北防胡還浪
計一胡先已在咸陽

又

玉環不向馬嵬死天寶應先蜀棧亡可恨沉香亭上
睡夢中多是戀漁陽

滹沱河口占

滹沱一帶水流漸正憶蕭王急渡時雲臺功伐知多
少須讓河水第一奇

途中記所見

以大車載碑石馬騾五日挽之云將立石紀平南之蹟或云將

於黑舍里氏新墓

二八輪車五百驂他山鍊得自燕南未知且勒何功
德驪墓媧陵亦不堪

烟郊舖遇大風

漢虜相逢定不分冥濛八表入昏霧明朝爲報飛廉
約戒路燕都但辟氛

修翰林

年少通州佟姓豪自言官是翰林曹直來炕上垂鞞
坐先向腰間索佩刀

通州

雄州設險帝都東海轉江漕萬里通從古樓臺霄漢
上至今歌吹綺羅中賈舡夜泛天津月酒慢春飄碣
石風如此皇王文物會緣何束手與山戎

又

通州坊郭出雲霄亂後繁華不盡凋萬里漕河環作
閘千尋柁軸匝爲橋歌鐘俠窟喧喧鬧裘馬奢風箇
箇驕舊日忘軒詩句在不堪鄉思倍迢迢

忘軒李貴
號也

東嶽廟

嘗聞天曆始經營殿宇崇嚴擁百靈碑版壇除森顯
刻簿書庑廡列陰庭奔趨士女無冬夏警衛神兵有
甲丁欲向都城聊暫憩乍沾茶椀渴喉醒

次副使韻

今日燕都異昔時世間何事不多差明堂敞却千壇
帳太液飲成萬馬池亡惟夷風無戴履誰分酪味有
澠淄五噫六歎無窮恨欲倩蘭成寫所思

又

二省攜衾殊不恨異鄉徂歲却生悲先廬酒谷曾辭

退半路金川有別離正憶點盤桃菜日仍思瀾雪煎
茶時發春第切歸朝祝道泰年豐更路夷

次副使韻

行行十月向幽州燕土陸沉今幾秋殊方客子此時
恨亡國河山無限愁千年易水別離地三載文山居
處樓嗚呼願取薊門酒 酌黃金臺故丘

用李太白杜陵主人清

且廉律法

又

都燕豈是厭南方總爲防戎籌策
文高屋建瓴元自壯重門擊柝詎云妨如何妖禍連關內終遣愚謀築

路傍痛哭當年遺詔在至今
庶憶前皇

途中記所見

驢驢男子年半衰
左牽佳人白馬羈
馬上時聞嬌笑罵
如何穿市故遲遲

又

路上胡姬十七八
粧車露面無羞澀
亦有雲鬟解避人
腰肢裊裊簾間立

題畫

誰取蒲桃架許作
魑魅巢已遺甜頭
嘗又從寬處跑
又

一馬方翹陸一馬猶繫樹馴者固可愛怒則必能步

又

一馬方嘶雲一馬猶齧草觀其意態雄滅沒千里道

又

一寸耳挖子挖取耳中垢無乃太聰聽害作家翁否

詠荔茔

聞道南州驛使迴玉妃親劈荔茔開清平製進猶沾
醉潤渴宜先太白才

詠蒲桃

蒲桃初逐博望來漢帝國林莖惠裁一頭滴來口吻

奕何須仙掌露盈杯

除夕

餞歲寧嫌報漏遲異鄉風物覺依依爭喧儺鼓兼燒
爆共貼茶神且盡爐去意脩鱗誰得禦羈心倦鳥不
如歸鐘鳴結束趨班地章甫偏憐異越儀

息庵先生遺稿卷之六

三十一

息庵先生遺稿卷之六

息庵先生遺稿卷之七目錄

擣椒錄

下一百八十四首

癸亥元日

次書狀叅宴後作

留館

人日

復次

三首

次書狀韻

買書

次崔承太韻

六首

永夜無寐戲用五更轉體以述羈懷

五首

玉河館述懷

元夜

聞皇帝設戲

次東坡食荔枝韻

次陸放翁遠遊篇

次副使韻

次副使韻

次副使韻 二首

又次是字

燕京感懷 八首

三疊是字韻 三首

六疊是字韻 二首

又次是字韻 三首

今日始納方物

燕偷

部胥

淫祀

不葬

燕京雜咏 八首

題獨樂園圖障子

有感

歎息

清人欲以紙代米索賂金久不完決

留滯

復次左字韻

歸期只隔三日以青春作伴好還鄉爲韻七首

脚疾復作

達夜苦痛

漫占

次副使韻

復次

又次副使三絕

貢米事猶未結末又留一日

苦待

塵

次副使韻

朝發北京

二首

次副使韻

通州次忘軒李公韻

次書狀咏夜韻

次書狀浴鷗韻

通州次前韻

次副使早發韻

曉發三河

次副使途逢土雨韻

薊州

胡人以猢猻作戲

燒香

過彩亭橋

玉田縣

贈別王公濯

王生言西湖今作飲馬池

六橋花柳

盡供樵蘇云

次豐潤主人韻

王母忌日

夷齊廟

清風臺

永平府曉發

和副使清風臺七律

到山海關修

啓付灣裨先還

欲觀望海亭

遇風

不果

晚出山海關

一首

早發口占

次副使韻

一首

曲尺河途中占五首

連山驛途中三首

效崑體

還宿杏山

大凌河

大凌河途中復次前韻三首

次副使韻二首

復置催字

復次前韻二首

咏王翠翹二首

聞書狀坐車致傷久坐路上作詩慰之

一行頗以朝站稍遠為苦以詩解之

次副使苦寒韻二首

孤家子途中

次書狀韻

次副使韻十首

憶道淵

瀋陽途中二首

早向遼陽

三月三日遼陽途中二首

次副使韻

疊雙字韻

冷井次副使韻

石門次副使韻

狼子山

耳疊雙字韻

青石嶺

連山途中

有感

青石嶺途中 口占

次副使韻二首

會寧嶺疊鈞字韻二首

四疊鈞字

五疊

六疊

七疊

八渡河

次副使韻二首

復次副使咏鳳城搜驗之什

鳳凰山四首

九連城途中

聽流堂

納清亭

次副使韻

安興遇雪

洞仙嶺二首

上山洞府二首

次副使葱秀山韻

焦氏公集卷之十

二

息庵先生遺稿卷之七

擣椒錄下

癸亥元日

衰年作客復今宵忽滿靈蓍握裏條北海簡書行感
慨西州詩律轉牢騷人生百歲愁爲半鄉國千山夢
亦遙預想鳴江歸渡日汀花故恠鬢毛凋

奉次書狀叅宴後述感之作

驀越魂交度九扃儼隨東弁會明星千宮環佩趨諸
殿百部輦囊出內庭夢裏正欣親衮黻覺來誰識
落瓊腥春回返國真非遠隱約華山在眼青

留館

一入烏蠻節序催居然陽律動新灰贖金未許經年
納封印還從幾日開每恠閑閑非歲至尚求通譯赴
春迴驕癡公事真難了愁緒續紛只舉杯

人日

無端深鎖玉河隈底事拘幽坐夏臺每數雞聲愁夜
永頻聞馳斗怯風飈三春政自明朝始七日先從此
夕迴更恠隣胡何伎倆六時鐘鼓不停雷

風試之
果然

復次

跋履山砧與水隈提將函幣到燕臺堯封禹服知今
變羌舞奚歌任爾睂眼爲瞻辰長北望心因隨斗自
東迴關預想驅車出意氣真同奮蟄雷

又

征車一入薊門隈爲弔青蓮境涼臺駿骨亡來竒畜
盛華音變處異言厯但憑樓閣銷憂去誰挽滄波灑
址迴往事荆高尤激感義聲千古尚轟雷

又

不分燕薊是窮隈一夕春光遍成臺遲旭幾米無作
曉輕颺弄柳不須厯羈驂歎蹕時懷騁倦睡依微日

夢迴此際政宜攜伴去與君東出試車雷

末篇為和書狀示韻

次書狀韻

羈況無因慰在茲幽憂百疾更交貧昏眸謝視垂偏
好軟脚倩扶坐亦宜虛想春閨占蟄子實疎金帳酌
羔兒歸時衰鬢還成雪競說兒童定共疑

買書

燕市曾聞萬軸存此來籤加亦費閑繙文章載道斯為
盛賈豈爭言豈必論前代禁書仍十失今朝著眼奈
雙昏只應分許親朋去暴富二冬足習溫

次律承太韻

聖祖神胡孽神州復一同衣裳華夏域南北帝王宮
壇鉞威常遍衢尊酌不窮帡幪偏字小魯亦覆吾東

又

忍說前朝事流氛雜犬戎龍淵虛玉几虎賁撤金宮
南狩鍾山遠東遊碣石窮三韓恩入骨泣涕向蒼穹

又

只是懷歸計誰能解苦顏西河辭廢館東海出雄關
冰細縈遼帶雲堆繞薊髮一看松鵲色應似到家山

又

舊俗觀燈戲元宵結彩成冰懸鮫出水籠掛月臨城

薦酒瑤琴響行橋寶襪鳴可知忘凍夜霜雪不勝清

又

羈棲何太久自覺少情瀾留處真同苦歸時且一歡
燕山春欲遍鄒谷雪還殘鄭產曾知策賓荆不用壇

又

壯載羌胡室中原禮義無玉多燕石雜官有魏金模
網密嚴經史貲高數畱駒何當大洗滌復舊黃圖
吟病孤館永夜無寐戲用從軍五更轉體作五
絕以述羈懷

一更夜初昏燭花稍灼灼一行共團圓談笑間六博

又

二更月欲上前窗微映白人散覺夜深棲心醺淡

又

三更益無聊依依就枕宿家山頻夢歸不恠歸路熟

又

四更夢屢覺頻問夜何許僕夫正齁齁時作睡中語

又

五更苦難曙披衣輒起坐副使有新詩清吟且細和

玉河館迹懷示副使

春回一疾轉侵尋深館仍憐共越吟縱賴詩篇時到

眼還愁藥裏正關心明宵萬國看新月此夕孤城憶
故林筭得歸期猶費日淚江花柳定陰陰

元夜

盈盈皓月正滄涼佳節元宵此夜長八表歛烟兼歛
靄九街疑水復疑霜誰家珠箔邀清照幾處香車踏
素光多少三韓未歸客一時東望憶吾鄉

聞皇帝設戲復用脰字韻

峇嶢結綺九天隈上國元宵設戲臺鮑郭排場真傀
儡魚龍闡技正紛脰懸齊華月燈珠滿散作繁星火
爆迴虎兕況聞方出柙吼時崖壑怕成雷

北京諸果如砂果葡萄之屬過時如新柑猶甚
賤橙子稍貴戲次東坡惠州食荔芟韻

葡萄液滿好經春香摘霜橙色色新三百荔芟雖日

炎豐宜長作薊南人

燈下閱陸放翁詩得遠遊篇二十韻讀之有感
倚韻走筆

受命行萬里理裝攜一劍日短襪中線風銛肌上
砭拈香圃老祠下車牛翁寔嶽崎大興路高閘憑危
塹禦暴誠可期峙糧奈所歉隄從棘城看堞到慈母
峴安西憶南詔壯烈跨赫猷清川幸永凍江水綠堪

染涉旬抵龍灣箱篋重披檢歌奏琴亦清杯行酒更
釀一別鴨江水毳腥真可厭驕悍彼所習禮容我自
歛牛馬踐庠序弓刀代牘槩嗚呼園中汗盛綻驚玉
豔燕都已過歲苦心同剌剌春回玉河渚春水日灩
潏想我漢陰田沮澤足苻芡云何滯此間歸期久未
占豈獨故鄉思實係邦國念愁來和放翁一償詩債
欠

次副使韻

幽愁况復值春陰悶見餓鴉噪晚林僵技百千真變
態狙公三四太多心掉來譯舌誰長筭枯盡詩腸但

澀吟有夢還家差慰意茫然覺後更難尋

次副使韻

蠻館寥寥斷谷疑作清尊畔只晨鐘吟同越國羈人
苦睡似斬園老卒慵絕塞春光占弱柳故山歸路指
連松此中未有消愁物琥珀深杯不減濃

次副使韻

他鄉換歲轉堪憐久客心情倍黯然近塞風沙春似
雪一窗燈火夜如年園梅正想留寒蕊汀柳仍看羃
暮烟此際可能馳轄去不妨歸醉北亭顛

又

殊方何特厭風霜
韃靼回回又在旁
此月還期真錯
計幾時公事且完場
恒歸蝶夢疑非寐
若渡龍灣却是鄉
坐想青丘新歲泰
五雲宮闕繞祥光

又次堯字

此片還往亦憐堯
談詵欣然勝鼓鍾
長晝碁枰聊遣
寂閒宵琴響不爲慵
行時攀折方烟柳
歸日追遊有
赤松預想角巾休沐處
綠波如酒一江濃

燕京感懷八首

直北居庸接薊門
范陽知是古燕分
春風乍到黃榆
塞明月初生青草墳
十八拍爲笳曲節
三千騎作健

兒群可憐永樂龍興地宮闕當天漲虜氛

又 川剛使韻

英皇往迹足傷憐欲說崇禎更愴然社稷于公真一
介乾坤申歲是何年煤山閣毀唯衰草天壽陵空
冷烟堪恨絳衣無繼烈幾時由蘖起叢顛

又

天王昔歲撫東封十萬瑯戈破島戎漢將銘勲河帶
細周兵設犒海尊濃二年克蔡由皇斷此日免魚想
禹功徧小可憐無報地白江春淚只沾胸

又

曾聞慶曆昇平日順義行封靖虜氛但飾翠鈿調舊
豔更無黃鵠怨新婚邇來沙塞通茶市底事河湟報
陣雲歲送白金三萬女真還復畏奇溫

又

鄭經割據今三世聞道臺灣近贛泉南粵尉佗聊左
纛東征楊僕幾樓船炎洲翡翠中原絕日域琉球海
舶連蠻土戰爭終未了八閩民物日騷然

又

玉河深閉困吾曹散步無緣出行遨長袂臨琴應媚
嫵高歌擊筑孰雄豪中華禮讓今餘律大國儀章盡

佩刀歸日倘乘開館早一尊燕市醉春醪

又
用副使韻

十年晨踏午門霜每捧紅雲在殿傍未有牙鉞稱武庫何曾著紫距擅詞場江山急病真吾分桑梓歸休是我鄉異地懷君無別事東方暎出堦羲光

又

金粟之南廣岸東天教著此角巾翁有時水月流光處無限雲山變態中烟柳一江搖浪碧晴窻十里射霞紅永言更覺攀依切隱約牛川入望通

三疊是字韻

三旬魂蜚斷聞足陽律居然到夾鐘蘇得病驂千里
倦養來疲僕一生慵政看春至懷園柳欲報東還憶
寺松幾日定離沙塞去故山雲物盡情濃

又

喜甚清詩替枉足劃然泅省發疎鐘映來珠玉真慙
穢歷盡風塵且病慵此夜共看螢館月幾時同對茶
門松金繒似有輪官日歸意如今覺漸濃

又

不念殊方便絕足歸心長憶漢陽鐘已驚塞柳渾堪
折莫遣鄉鶯更報慵南寺有花宜片月西林買屋護

孤松須思物理恒回換喫破千辛與定濃

六疊是字

深如空谷已稀是幽似禪房亦斷鐘閱月留成南海
息一春眠得北窗慵西關嫩綠箕隄柳故園葱青鵲
嶺松行到二京宜取醉發醅新釀莫辭濃

又

通官輩來到門外方令譯舌採
問事情仍以俳語次前韻轉繁

聞汝門前響早是須將大小應如鐘若言耕織具均
苦試運驢騾亦並慵半萬本非生土地一元胡忍責
箕松此間掉舌能回幹面靜從公意因濃

歲暮而木綿輪來之弊與夫無異故力欲
呈文兼陳此意一二語出禮記明西松部例

於中江春秋開市餽送耕牛而上年冬
元入九無以餽送故今行移各處部請減而
見部額星格頗有操持之意罰銀五千既
成又不即捧政兩聯云然

毫字又離又次三篇都成十首矣一詠皇帝出
遊海子二却述鄙懷而皆卽事也三亦抒感而
作並塵台覽

南陌喧喧咽萬疋平門雋出響華鐘舊時鶉野天會
醉此日燕墟帝亦慵鏡吹已多聞折柳泰山應復有
封松六駟控得須回路莫待雷塘酒興濃

又

空館誰能作谷是閉門清臥數隣鐘幹將四事三成

錯病得全旬九害慵無策遠來留雪塞不如歸去聽
風松春明返命東華日三月韶光濃復濃

又

生平蓬藿怯人疑夢寐何曾到鼎鐘惟有酒碁堪獨
樂且疎詩筆爲多慵先朝當日曾憐軾後輩今時
却畏松同館與公輸寫盡交情似淡是真濃

△日始納方物

正月一十九日

萬里攜金幣三旬閉玉河今朝始拂拭終日費輪駝
似軫江山遠難充溪壑多富公爭一字驚弱益堪嗟

燕偷

白日大道間黃金置床左跛足彼何人
不來近座自言病在脛三年積瘡破從醫市膏藥付煖覓爐火
火熾膏液融似欲開瘡裏忽然近主面貼得雙眼安
仍取床上金去若風前簸眼開良已艱賊適誰更奈
茫茫影響絕恍惚烟霧墮吁嗟胠篋徒詭計誠亦夥
吾聞此邦人官高倍黷貨衣冠兼盜賊古人不欺我

部胥次前韻

刺禮部序班吳應鵬

昨觀行乞人哀叫在路左亦有求錢僧巾衫設草座
茲皆迫饑餓身危且產破雖捐我錙銖亦拯彼水火
云胡部胥徒乃復索苞裏彼此窺機爭中間占便安

又

太液上林中滄波滿禁籞風濤若溟渤日月生兩潒
石鯨今不見龍舟杳何許唯有堤上柳春風却到汝

又

聞道蓬萊雲五色凝祥靄紅映玉皇座白繞詞臣筆
春風遍仙島紛緼媚晴日今胡變朔氣徒然暗瓊室

又

昔聞西山雪岑巒白巖崑崙初日更照之鮮妍曜朝采
今冬少潤澤山光黯不改倘非滕六怠無乃邦之罪

又

一片蘆溝月千秋照行旅初疑霜雪光復道星河曙
河橋漸欲曉南方自茲去但悲江湖影淪落今何處

又

古樹烟雲暗平蕪碣石開燕金昔懸處落日滿姑臺
昭王邈以遠樂生安在哉齊讐旣未復驅馬且歸來

又

舊聞玉泉水千古掛練四飛流度石梁皓色常瑩澈
今來歌獨漉無由映明月況此古館井苦濁不堪歎
獨取蘇卿雪煮成瓊露潔

又

有心常反覆有舌常弄簸神姦不復辨虛謾實無奈
自夫名分壞日見典章墮荆舒縱莫懲蹠躋又何夥
刻章與僞書太史稱奔貨何當鋤此輩此言非爲我

淫祀次前韻

胡人喜淫祀於道實云左一村一佛宮一室一神座
群祈雖轉盛七戒都已破身常穢葷肉手每拈香火
緇冠間婦女藩落亦同褻自謂神所祐家間事百妥
闇者以眩惑愚者以揚簸吁嗟日染汚此俗其無奈
坐令華風殄終甘鬼國墮野鬼飽已久家鬼饑且夥
况聞尼父廟牛馬相僮貨其誰障在瀾距彼而助我

不葬次前韻

我行入中國遙遙歷遼左家家設神龕村村供佛座
獨憐彼中野槥櫨半已破蠅嘍與狐食豈異投水火
口宜有貝含體宜有襪裹云胡不懸封寔彼深泉妥
磧草日縈蔓風沙日凌簸蟲蟻怒爲誰烏鳶親則奈
髒然骨一暴能無淚雙墮前路亦多有羌俗蓋漸夥
况聞賣骨肉至親反相貨吁嗟墾者道不及揚朱我

燕京雜咏

直北山萬疊鐵關中天起自古夷夏界設險分彼此
如何萬騎入倏忽如平砥依依舊烟嵐蒼然杳千里

樹林有高低烟光易明昧烟與樹相值湏洞不可解
薊門一千里烟樹如雲海或言烟非烟曠漠生異采
或言樹非樹依微作籠蓋或言無烟且有樹古樹古
樹生青靄或言無樹只有烟野烟似樹爲光恠此言
譎詭多惑人明者辨斯爲快

題仇十洲所畫獨樂園障子用蘇長公韻

公生百世上我生百世下每慕公出處高風臥綠野
忘世豈荷簣托興異持竿一片金陵法廿經伊洛夏
名園號獨樂花竹極幽雅三逕連藝圃萬籤蓄書社
從容畎畝間若公真儒者而我嗟苦晚所知慙亦寡

微才懼樸遫重任當鈞冶方將求一退忽復馳駟馬
此間得此圖玩閱不忍捨有田未歸去益覺顏生赭
感歎遂題詩拙語同嘔啞

有感

嶙峋金玉潘東門更說夷陵在薊分舊史曾聞留帝
腊此邦還復起皇墳他山鑿得車連轂塞畜牽來馬
幾群世事卽今多感慨幾時東塞靜烟氛

歎息

歎息幽州事可悲太平今失是誰爲石郎賂敵遼稱
父唐主蠱戎祿作兒虛索燕山空壘日實經元祖定

都時地歸中國纔三百塞祿依然漲四陲

清人欲以白綿紙代貢米而仍索賂金多定卷
數迄不完決蓋禮部左侍郎額星格以滿堂貪
婪用事故也

一月燕山費越吟思鄉日日只歸心包來書軸還頻
解罄盡瓶罌却屢斟知白審能輕一字陶朱堪復棄
千金今朝告示須催掛倦騎行當熟路尋

知白一作
白也陶朱

一作
朱公

留滯次前韻

昔我初辭國發軔自海左嚴命受宸闕勝餞羅賓

魚尾先生集卷之十
十四
座北來欵改歲月已四回破絕漠非我土邊烽斷通
火上林無鴈歸塞信誰傳裏拘幽饒百艱履險稀一
安托身風燄間終日任搖簸譬如籠中鳥欲出知無
奈夢寐忽奮飛時得鄉園墮正想湖上亭時物日應
夥吾歸一高臥風月不用貨春水碧於天白鷗閑似
我

復次前韻

征驂滯薊南歸路指遼左主客始燭日餞我設譙座
牢戶今一啓錮鑰行當破泥中似躍雲凍餘如就火
僕夫整衾裯商旅理包裹逝將出關去熟路輕車安

唯喜邊月皎不懼胡沙簸
額額雖阻艱奮飛其吾奈
轆轤幸遂脫樊籠寧更墮
巫閭雪初消涇江春已駁
花柳匝城市若張羅綺貨
行矣觀覽富淹速當由我
歸期只隔三日一行喜可知
也以青春作伴好還鄉爲
韻作七絕每篇三韻皆以
一字連押歸鞭東指海山
青圓柳湖波想倍青牢鎖
五旬頭盡雪可能今日亦
重青

又

銷半烏蠻二月春風光不似故園春
吾行明發催歸去倘趁湖山爛熳春

又
奚囊底裏幾篇作太半殊方遣愁作但願歸時便入
峽詠歌長向田園作

又

一路春風作我伴絕勝空館影爲伴東歸結識還多
在無數江湖白鳥伴

又

人言行樂春爲好何似遠遊歸更好歸日吾亭倍可
絕西湖宜雨又晴好

又

十月征人三月還故鄉遙待隔年還江南此役吾多
愧不及曹公幹事還

又

曉脂征車指舊鄉出門便似已歸鄉朝陽郭外東瞰
近望裏紅雲是我鄉

舊患脚疾復作達夜苦痛漫占

故國歸期只隔晨風淫何事轉侵身誰憐良足征蠻
將爭笑僂躬使魯人扶杖政堪尋社席乘車那得入
宮闈東陽聞有華清水倘待秋風一洗塵

次副使韻

迴日還從來路過春風何以旅情多
呂望臺下留磯石姜女祠前長帶蘿
千古聖清曾避粟至今臣節此爲柯
懸知歷歷吾行處興到時時不廢哦

復次

辛苦災星已閱過出門前路與偏多
明妃舊塚思青草賀老遺居想碧蘿
車渡黃沙雲滿磧徑攀蒼石樹交柯
何時到岸行津筏鴨綠江頭記舊哦

又次副使三絕以咏三事皆卽日事也

問道明珠留大內爲論東竇會黃扉
如得金輕仍幣減何須粟輓更芻飛

上穀公讌列葡萄西種多勝禁苑桃開尊縱有杯傳
席閉館其如逕沒蒿

馬安

又

北賈饒財偏積錦東人無寶只攜參果知廉五爲良
策不必朝三有怒心

右開市

十二日貢米事猶未結未胡商且有抑賣之計
賈_一俱不得發市姑留此夕將以明曉作行

屈指征車待十三今朝何事又停驂流年已覺靈著
滿留日還將衍策叅行處遼山消積雪到時華岳謁

晴嵐東歸試覓安身地棋局唯應逐李慙

苦待

復用前韻

苦待十三三亦過此行牽滯一何多既無於國增抄
忽悔不將身退薜蘿懷遠駟蹄當熟路喚歸鵲舌在
高柯誰憐此夜羈留地寥落吟成越客哦

塵

燕山無日不風塵孰是噓吹巧汚人蔽得重霄成混
沌昧來一日失嶙峋室中不掃謀知拙甌裏常生吏
却循安得超身清淨界俯看區內息氛氤

次副使韻

滯北魯無似我遲五旬蠻館送春曦
羈愁日日難消
著試學文山集杜詩

朝發北京

二月十五日

政得三春半今廼萬里初角知生倦馬膏力潤行車
東嶽辭靈廟南山之并廬辛勤戒徒旅長路莫虛徐
又

宵旰今安穩黔黎亦奠休方從大臣後彌切小民憂
歲月違鄉國山河屬薊幽朝驂纔發軔歸意日青丘
又

三月拘幽久今朝始脫然乍離阿鼻地真躡樊玄天

縹緲遼山翠徘徊薊月圓飛騰歸路快幾日到龍宣

次副使韻

纔經玄律又花朝歲月何曾與我饒來日凍陰冰片
片歸時春色柳條條西湖舊有驢堪策北海人看節
卡凋預想還朝佳景象共修榜子上金橋

通州次忘軒李公韻

名州稱寶窟氣色上千霄越貨常通海胡兒亦弄潮
冶粧工學趙突騎健於遼控扼雄都地由何不道遙
次書狀咏夜韻

萬里踰冬客羈留曷月旋通州今得返春色正堪憐

寶肆羅吳貨晴波引越船旅中此夜勝挂臆十分圓

次書狀浴鷗韻

江平鷗浪濶橋穩駟車馳到此聊成憇觀渠亦一奇
高人猶可狎俗物莫相羈滿路風埃色吾甘受汝嗤

通州次前韻

近都都會盛前朝湊轂珍藏亦擅饒閩海萬重檣百
丈潞河一曲柳千條舞笙歌管聲長咽翠閣紅樓彩
不凋最是風烟堪盡處水村初日上津橋

次副使早發通州韻

古稱佳麗此雄州清潞縈回抱郭流巨賈千金頻脫

手妖姬一曲費纏頭通漕置廩堆紅粟跨海連檣起
翠樓欲向東門望鄉國歸途日踔不須憂

曉發三河

是日黃霧四塞或言土雨

曉發三河縣氛霾不辨方乾坤渾異色日月並韜光
似霧還疑雨無玄只有黃災祥那足問遠客倍嗟傷
次副使途逢土雨韻

大地誰非土全燕却是塵如何霾日軸兼復動風輪
世眼渾成眯天心果孰嗔看人鬚鬢色笑殺白塗銀

薊州

千古漁陽壯北陲可憐樓堞盡崩隳功輕白豕馳朱

札駕困青騾泣蜀歧
鞀鼓幾曾驚往代
腥膻空復汚
今時生憎文六金
身佛覆敗相隨
莫救爲

胡人有以猢猻作戲者

豎儒比項生
魯辱戲子扮關死
亦羞可恨
千秋英烈者盡輸擺弄一猢猻

燒香

代北名山號五臺
峰頭九十寺崔嵬
已知有佛無天子
今日燒香帝自來

過彩亭橋

午飯螺山店歸途向彩橋
石隕無行轍溪淺不漸輶

未見紅亭勝空餘綠柳搖春寒兼朔氣盡日却調刀

王田縣

懷田疇

季漢多奇士徐無爲弔田成都留故迹辭爵感當年
壯節同欒布高情似魯連孔明魯並世惜不與周旋
玉田贈別王公濯仍次扇頭韻

萬里燕途著倦鞭今朝復路政經年世無晉盼留吳
客子似嚴平認蜀賢酬得篇章寧偶爾感來風樹益
悽然音徽別後須相寄猶是東西共一天

王生備言西湖今作飲馬池大橋花柳盡供樵

蘇二

聞說西湖閬劫灰江南何處不堪哀
銷金鍋裏洗兵去放鶴嶼邊飲馬迴
花柳六橋無舊樹烟霞三竺有空臺
施家昔日傾城色爭及無鹽刻畫來

次豐潤主人韻

知有仙居不遠人漁郎無路認芳津
却來數片桃花色漏洩深深洞裏春

王母忌日二月二十日

王母如親母年年哭仲春殊方今值諱
此日倍傷神兒已能興倚妻常供藻蘋
想應將事夜萬里更懷人

夷齊廟

爲尋孤竹指灤津春到空江水霧暄扶去君臣終揭
義讓來兄弟各求仁灑蘭清齋泠泠集瀉玉哀湍決
決奔欲和遺歌歌一曲乾坤幾日掃烟塵

清風臺

清節祠留萬古聲清風臺下復松庭挹來孤竹無邊
翠俯得水灤徹底明遠客衣冠勤禮謁故山薇蕨薦
芳馨何當并乞傾河雨洗掃氛塵靖入瀛

永平府曉發次副使韻

東望雲山簇曉青歸心自覺與春生朝看出日傾微
細夜識迴杓感遠情細草茸茸隨岸茁小溪幽咽入

河鳴明晨關路催車去佳句還應興到成

月生於東
斗則建卯

亦東也皆足以助
鄉思故領聯云耳

又和副使清風臺七律

雙節祠邊萬古臺披襟颯爽亦佳哉松聲謾謾如調瑟
灤水泠泠不染埃義凜已昭星日揭風清須闢殺氛
開山中薇蕨真堪採欲嗅遺香未忍迴

到山海關修 啓付灣裨金挺鎰等先還

鄉園遠隔千山外消息全稀四朔餘今日始封歸國
狀一時兼付問家書弊裘緝緝當初暖華髮蕭蕭覺
益疎稅我行裝元有地湖亭春色近何如

卷七
二
欲觀望海亭余適有寒疾且遇大風不果

飛亭高壓海山層准擬今朝快一登平步堦梯虹縹
緲迴臨溟渤鏡澄凝何來大壑飀狂象扣閉幽房縮
凍蠅莫使南華聞此語定嗤鳩鷺搶榆能

晚出山海關

故國人東返雄關塞北馳來曾詢法禁出豈犯征譏
却恨聽雞晚還憂數馬遲驅車到凉水落日澹輝輝
又

馳出長城第一關三千鄉路日東還春生凉水青縈
帶雪罷胡岑綠擁髮敗壁基存隣杏壘故園名似憶

松山行行默計歸途遠新月箕城定更彎

早發口占

中夜無睡每令張策弼出外卞方視星以察昏曉

客睡元難著脩程復夙裝疲驂時勸秣雇役許分糧
半夜占星舍將晨候月光知時政賴汝還懼易沾霜

次副使韻

駸駸四牡出燕關曾識華戎界此間遼野西南皆渤海
幽州東北盡胡山故園時物春常遍絕塞風烟我亦還
動靜相嬾元至理願從歸日丐長閑

又

昔來當日至今返已春分留滯憐人衆虺隤惜馬群

南園應綠草北塞正黃雲冷節看將近
荒兒亦上墳
曲尺河途中口占

涼水朝驂早東關夕駟催
阪欹車轉滯流曲路仍回
野火燒遍溪風倦凍開前途猶尚遠
愁思晚悠哉
今日之行幾四由旬若非余先著鞭殆未及
此復次來韻戲爲行旅問

忙錯曾知畏愁中路却催思驅一傳去
經渡八流回
落日中原晚春風故國開
行行戒徒旅曷月余歸哉
又

歸意雖相急長程米易催
車常遲似退驢亦倦疑回

風拍胡沙暗天低遼野開驅馳誰得慢行李自悠哉

又和記里鼓體

迢遞閭陽

各

野羊腸

各

畏路尋

龍城雖壯

鎮

各

狼子

各

山總殊心二道

各

愁岐失巨流

各

怯水深何時通遠

各

堡去直到鳳凰

各

岑

各

又

迢迢寧遠

各

接無間

各

此去松山

各

百里餘欲訪賀

各

翁廣寧

各

隱正如工部永安

各

居雙旗

各

道井

各

愁

各

新店

各

百戰凌河

各

飢饉舊堂多少邊城

各

行歷盡鳳

各

凰

各

還似到吾廬

各

各

各

各

各

鳳

各

還似到吾廬

各

各

各

各

各

各

各

各

各

連山驛途中

玄貂白馬赤纓鞞人道頭胡是達官長程隊隊流星
去千里烏江幾日還

又

轉輸白鐐三千錠陸續紅砲四百車聞道北方治戰
艦烏龍還復似長沙

又

一帕黃封搭背文胡兒躍馬自成群平沙瞥瞥如風
驟知是烏江報陣雲

效崑體

小小垂髫女丰茸十二三玉柔膏欲滴桃嫩露初含
映戶如常畏開簾乍作憨忽聞嬌語笑高棟燕呢喃

還宿杏山

料峭春風作晚寒杏山西畔夕陽殘英雄百戰終遺
恨敗壁崩墮不忍看

大凌河

劈面東風似剪刀春寒塞日正蕭蕭終年咽咽凌河
水疑有英雄憤未銷

大凌河途中復次前韻

東風何太劇暮勢轉南催檣柳應千遍攪花定幾回

唯看沙礫合那得霧烟開入夜調刀歇行人且慰哉

又

曉霧迷人眼吾行旦吳催卞方車待指失路馬爭回
轉見彌充斥誰將便掃開仍思襄野困七聖亦勞哉

又

故國逢春好歸心鎮日催鄉江巴曲折閨字錦交回
盡室行當去維舟願卽開疎慵那供世廊廟可休哉

次副使韻

蕭蕭萬馬寂無喧塞堵真同渭上村漸欲經營收舊
域何曾反不效新垣讒成明月齊疆失翳彼浮雲漢

日昏黧黹青編今洗否九邊應有木銷魂右哀哀督

之受禍也以挾虜議
款為案故第四云爾

又

凌河戰血石成殷相國專征駐此間每惜浮雲迷魏

闕空留明月照秦關田園耆舊傾葵切幕府英雄種

菜閑每誦錢生人物論高陽終古仰高山右懷孫閣

師凌河吸復關外七堡尋以議去幕府請人
如茅元儀鹿善繼皆以才略名俱廢不用錢
牧齋嘗以詩贈公曰朝廷議論三遺矢社稷
危一畝言蓋憤時語也公名承宗高陽人

復疊催字

終夜風聲聞知將雨意催忽看初日上爭覘早霞回

客路雖妨濕春田且易開吾鄉恒病旱憂念亦勞哉

復次前韻

羈愁詩輒遣征役句頻催已慰多時住便忘此路回
風烟沙塞遠節物故鄉開賴得公酬唱朋遊亦幸哉

又

寵溢憂方切官高病與催林泉非必好疲薾自當回
野色牛川濶湖光斗峽開公詩真得我一詠意佳哉

咏王翠翹

翠翹事見潘之恒巨史本傳
明史亦云投江而死乃實錄

鹿門鐃曲似西京少保功名沸海瀛平生一著欺心
事錯配佳人與老兵

又

萬折千磨薄命身何須辛苦事和親
江湖畢竟隨西子慚作當年誤主人

聞書狀坐車致傷久坐路上作詩慰之

昔曾憂犂确今卒困坡陀老斲雖甘失甲傷更苦多
知存前轍戒其奈遠途何火伴皆相慰新詩爲子哦
一行頗以朝站稍遠爲苦以詩解之

曉發雖云遠行行自可堪長程七半百早邁四勝三
朝銳時無失先難理亦叅一旬稍得耐吾到鴨江南
次副使苦寒韻

雪落風掀塞日微青春忽復曠玄威蒙茸蔽體吾何
恨多少征人盡薄衣

又

野曠風鈇敗絮疎不須行色問何如山中楫拙曾偏
煖正憶龍門舊弊廬

孤家子途中

頂上高懸只箇圓平垂穹幕際長阡曾無塊壘覓二
尺却有颯風動四壩千里荒墟皆白草數家孤店但
寒烟何當涉盡遼河去著眼鄉山翠插天

次書狀韻

新易車輪勝冷前



不殊可喜也

胡馬曾高價燕車想重酬
涂知方軌穩工亦斷輪優
前路餘千里吾行費幾郵
從今應趣駕不滯暮亭投

次副使韻

黃龍纔返尚天涯
逆旅空吟鄭誦詩
待到鴨江東渡日
此行方道是歸期

高麗鄭誦有瀋陽雜詩

又

別筵前歲鴨江涯
瑤瑟清歌爲賦詩
想得東人臨水望
計程春日說歸期

又

詞源倒峽浩無涯
俊逸青蓮百首詩
東國近來文彩

急庵先生遺稿卷七
盡請公努力古人期

又

吾家亭子廣津涯合著騷人幾首詩
且待春江濃似酒西風一棹與公期

又用前韻

凜寒時節薊南涯長咏坡翁玉宇詩
且待兩旬歸故國九重春色早朝期

又

尋春春不到天涯樂府虛傳折柳詩
試看野草初萌日却是園花欲落期

又

茸茸細草發溪涯
春意還催旅客詩
仍憶去年艾美節
南坡曾與故人期

又

量來才分已逾涯
懼甚鴉梁有古詩
紫閣黃扉非處所
江風湖月是襟期

又

春風小艇著湖涯
滿目江山盡裏詩
今日殊方尤係戀
白鷗吾不負前期

又

江閣那能問水涯須公先惠寄題詩他時幸逐鴟夷
去訪我烟波是好期

憶道淵

天涯作別思無涯灣上書仍上詩世同至情唯父
子可能無負我相期

瀋陽途中

三月風猶甚連旬日亦微天時方冷節塞雪遮寒威
的皪非花發沾濡雜雨飛陽和今不見何處覓春輝

瀋陽城南有一高隴卽所謂野坡者也

孝宗大王築館舊基亦在焉過而有感恭述一律

昔年 先后駐黃龍指點遺宮野坂東久仰康上驚
虜帥慣聞英主誓蒲公周旋未遂中原約寤寐還虛
九世功箕域免我今已矣小丘於此涕沾胸

早向遼陽

朝向遼陽郭歸程喜日添衝霄看白塔沽店認青帘
樹樹迷烟暗山山露黛尖東君稍用事還復戢飛廉

三月三日遼陽途中

是日又是巳日也

每值佳晨憶故邦三三上巳復兼雙
草遼水爭能似曲江何處踏遊羅作
爲缸唯慚拙句多荒類不敵村謳唱一腔

又

終古遼陽接薊門依然舊郭認長存千年鶴已習仙
語經歲吾方返使轅河咽似曾悲太子草腓那解愁
王孫今非吾上聊歸去花柳擬看淚水繁

次副使韻

十三曾別大凌灣情繫依依惜翠鬟今到遼山如舊
識遼山日復近鄉山

疊雙字韻

經年莫道滯殊邦喜甚同行國士雙况伴春風歸鴨
水但愁烽火起烏江金貂救万垂橐百口糧空且

倒缸幸有吟酬詩律在不妨編玩當歌腔

令井次副使韻

玉河那用玉爲名厭見污泥漆似涇一勺米泉人吸
盡沁人肌骨解人醒

石門次副使韻

地隣令威華表山似劉阮洞門正是桃花三月客程
悵望桃源

狼子山

合沓群峰繚似城中開曠野一川橫依然云歲恒陽
路山寺清秋匹馬行

再疊雙字韻

晉駝魯說泣危邦燕闕今憐玉柱雙那得孱王全半
壁空懷烈祖定三江吟傷瓊樹詩盈橐酹愴金臺酒
費缸從此行裝歸去早不須河館戀羊腔

清人以羊
肉爲上饌

使行留節
及設宴時

青石嶺

鄉近遲鄉信歡多懼亦添度崖筍作駕沾峽樹爲帘
泱泱冰泉滑稜稜翠石尖何當還此界雄搯用係廉
連山途中

絕塞三冬去連山此日迴謠言春夜短自覺暮程催

二、已憂星孛之玄閼水回行將渡鳴綠不上望鄉臺
有感

去歲燕都繫玉河今朝遼路鬢全皤鄉山漸近差歡
慰節序頻移足感嗟澤閤春畦其雨切倉空漢粟奈
民何歸來願得投簪去隨意烟波著釣簑

青石嶺途中口占

狼山多峻極危嶺昔曾聞此路皆青石中峰出白雲
巖臺千砌疊澗壑百流分定費神工斲真成大劈紋
崖懸棲鶻屬藤掛走鼯群望蟻秦封記通牛蜀道云
霧斑疑伏葉淵恠或游瀆峽積當春雪時清幾日氛

涉艱憑杖力度險策籃勲三復垂堂語題詩慰苦勤

畫家有大斧
劈紋之語

次副使韻

嶺路繚回幾曲鈎陟來梯棧最高頭通天箭筈看飛
鳥特地車箱有服牛古洞洩雲懷鏡寺春崖留雪想
冰輶歸程只費三宵夢渡彼灣碕破客愁

又

西河恂悶似銜鈎東路唯思一出頭且慰故城尋化
鶴不須前徑憶庄牛冰消穩渡三流水日暖徐驅二
嶺輶椒桂自然回焦境悟來真悔舊時愁

會寧嶺疊鈎字韻

防身嶺路一純鈎不怕玄熊坐樹頭嶽勢橫奔疑萬
馬棟材虛擲想千牛乚丁運鑿曾開逕燕賈輸金自
挾輶終日二嶠行歷盡回思絕磴尚懷愁

又

終日窓簾不上鈎
駭塵如霧漲車頭
雪消荒磧時驅馬
燒遍春田好放牛
村僻鎮東便稅駕
水深甕北懼沾輶
此行最苦諸川壯
八渡渡來始豁愁

四疊鈎字

不道塵緣枉見鈎
偶因推轉到高頭
鞿羈違性莊生

馬爵祿非心百里牛此日邊荒驅羈矢他時墟落擁
柴輶角巾亭上清宵月散盡留燕幾斛愁

五疊

幾牻蛻絲與月鈎蓬壺寤寐憶鰲頭江湖自在閑鷗
鷺鞮絡何煩鬲馬牛漠漠黃沙今返節紛紛紫陌孰
安輶鴟夷往躅吾師表只管烟波不管愁

六疊

昔我龍門把釣鈎清秋日日坐磯頭閑門種樹偏多
柳故渚燃犀也號牛無事四園行款段有時雲木聽
句嶰風塵一出還增感浪泊居然萬里愁

七疊

歸來寶鏐歛吳鈞遠使無能媿虎頭麻札徒聞魯制
馬葛侯誰得更流牛山谿宿昔無方軌商旅于今盡
試輶漠北氛昏連近塞暮雲斜日不勝愁

八渡河

杈枒老樹亂相鈎小坻臨流似讓頭幽澗水深多飲
鹿平坡日夕有歸牛依依景物懷東峽歷歷行人盡
北輶形勝卽今非我土西民那得解邊愁

次副使韻

行盡東站峽裡溪山多有與關三件
邑佳境相似者輒川副使韻記感

峽裏飛泉號號鳴漸舒春日晚偏晴谷中欸欸禽相

語河畔青青草又生崖雪微留前歲白水風輕漾一時病此來關塞渾忘遠爲是雲烟媚客情

又

縈折長川又一河劇憐晴浪似輕羅空山百里人誰渡絕塞三春我獨過正好持綸垂白石奈無游艇弄清波沉吟日夕空歸去且唱滄浪一曲歌

復次副使咏鳳城搜驗之什

聞說關譏似距鉤從來是事重邊頭前朝每戒茶爲馬此日翻嫌書汗牛檀策未施先出柵范謀唯在急藏輶收看數籠寧無路縱費裹苞莫費愁

鳳凰山

雄鎮百里鳳城秀出幾點螺髻依稀蛾眉雪中縹緲
太華天際

又

萬里遠辭鰈域今日纔還鳳岫天涯望見數峰客裏
如逢故友

又

或云今之鳳城蓋乃麗代安市小國敢嬰王師孤城
獨拜天子

又

誰割東地五百今入中原幾年試觀山河物色尚有

檀箕風烟

東地五百言出戰國策

九連城途中

霏微小雨乍收晴晚撤關譏出鳳城鄉信欲開添感
淚家山漸近破愁情望來黛色千峰出涉盡河流入
渡平行到九連便刮眼統軍亭北暮雲橫

聽流堂

脚踏遼陽冰雪來眼看龍朔已春迴聽流堂下溪池
水貯碧涵青一鑒開

納清亭

潮煖春陽悶午程忽看林樾聳軒檻兩行高柳垂垂
綠一道平川泱泱清正好披襟邀颯爽還思把釣
空明徘徊爲覓涪翁句丹碧渝來字亦更

崔承太言
黃聯君於

丙子九月還自假島題詩壁間其詩曰世已
憂無奈身應死始安秋風離別意葉落萬重
山今訪之
則已公矣

聞書狀與本道都事節度大同督郵同登百洋
次副使韻

絕塞樓雉壁漢關遠繁河嶽勢迴還蕭森朔氣下峰
外約略韶光二水間坐擁春潮侵粉郭平看明月滿
香山行臺綺席今華敞絲肉懸知慰客顏

安興遇雪

急雪隨風落晚途
前峰皓色正模糊
恰如小李舟翁
筆寫出銀泥萬壑圖

洞仙嶺

谿訝洞口樹交枝
棧路岩峣百轉斜
春日漸暄家漸
近嶺頭初見杜鵑花

聞上山嶺巖洞奇勝自鳳山迂入失路而還悵
然有作

魯陽仙洞此中開
行盡山谿失路回
疑有秦人深自
秘溪流不放片花來

上山洞府

爲尋幽境入仍度石門行山學糝糕重泉漿珮玦鳴
知煩大匠斲孰與化工爭耽賞孤吟地渾忘負夕程
黃鳳之間髫白相攜百千爲群皆言

聖上以特命罷本道五斗別稅之米西民庶有更生
之樂願達此謝意於九重云聞來不勝感歎
詩以記之

天涯使節歸來日恩旨喧傳動八方連歲旱乾災
幾歲十行哀痛淚雙行正看衢路民情聳爭祝華
嵩帝祉長况有諸儒時並進贊襄何以報吾王

次副使葱丞山韻

葱葱秀色擅東區勝地溪山也自殊潭底鱗鱗魚動
鏡巖間泱泱玉鳴壺數行丹字真仙遠一霎清娛妙
句須撫迹不堪懷舊切石林斜日獨踟躕

椒性辣螫人喉雖久而不除故昔人於辛苦艱難
閱歷年時而有不可忘焉者則輒以比之於擣椒
往者鄭湖陰自燕歸時有詩亦云擣椒剩有餘辛
在誠有味乎其言之也然湖陰奉使正當皇明熙
昌之運聲明文物覃被遐荒則其所稱辛苦蓋不
過原隰征役而已雖以之譬之噉蔗可也顧余今

日之行所接者鱗介與語者侏儻劍槩盈路輦羶
塞鼻玉河五旬之拘執遠路易歲之行李比近時
冠蓋爲尤苦雖欲更見如湖陰時又何可得耶副
价柳公尚運沿途有作輒以相示余從而和之前
後所詠幾至三百六十餘首錄而題之曰擣椒集
姑以志不敢忘莒之意云爾癸亥季春息庵病夫
題



息庵先生遺稿卷七

二十一

息庵先生遺稿卷之七

